

第一冊

宋鄉賢羅學士遺事考畧

明鄉賢王御史遺事考畧

粉榆碎事

興寧先賢叢書

興寧先賢叢書

袁五松敬署

刊印興寧先賢叢書引

興寧自有宋羅學士孟郊以文節為天下倡與贛人胡銓等詆秦檜議和率太學生陳東等數千百人請願拒敵一時才俊咸發興奮咸思報國孟郊又久從楊時龜山遊以濂洛之緒自任邑人化之寢有以志節與理學顯者至明而王御史天與遂以醇儒佐王文成公守仁與平贛南及宸濠之役著平寇錄見志卒以身殉而張天賦汝德受業湛若水甘泉之門以理趣為學問之本尤以淵醇虛白英秀朗察為祝允明枝山所推重由是吾邑有名節與性理之學當有宋盛時江右學者盛倡詩古文辭覃研極造激盪潮流興寧界閩贛之交學子慕效不歇而陳宣教南一為文尤雅健

不羣。迄明及清，遂有何南鳳詠堂、石咏竹道野、曾榮科玉峯、石娥
嘯鐵齋、陳銓次臣、何映柳麟山、羅學旦魯亭、羅清英松亭、孫恆亨
西肱、劉啟英迪齋、王嶸曉園、吳熙乾自園、李方榮顯齋、傅兆麟榆
根、陳其藻魯塘等，並以文學為時所重。憂憂獨造，不懈而及於古。
由是吾邑有詩古文辭之學。自明季秦西耶穌會士，以天文新法
傳授中土，吾邑羅慶輝於康熙之際，漫遊河朔，遇異人傳授天文
星象、六壬、吉凶之術，復入欽天監，究心曆算，窮極微隱，以秦西新
法合中土方術，歸里為通書年曆，奉旨頒行全國。號羅氏通書，族
內子孫歷世立三數人，綜傳天曆推算。由是吾邑有天文曆法之
學。而經學、史學，與夫音韻訓詁之學，亦代有通人傳授不絕遞演。

至於光緒之世，尤學者輩出。言文學則胡曦曉岑，言數學則饒寶書簡香，言經學則羅獻修孝博，言小學則羅翹雲，諳其言史學則羅師楊幼山。而胡先生尤精力過人，又最為老師，有羣峰共仰之概。胡先生少遊邑儒陳炳章燦林之門，傳受經史與詩古文辭，更與嘉應黃遵憲公度鎮平先輩鍾孟鴻遇賓友善。公度善以新詞入詩，胡先生相與揚榷其學，而一主於曲達詩義之微，與學術志節相表裡。自以吾粵人也，闡揚先業，敘述風土，不敢以讓人。窮居著述，積數十年，成興寧圖志考、粉榆碎事，湛此心齋詩文集、梅水滙靈集等三十餘種。大要以推源治本，昌明絕學，憲章名節，宏揚風雅為依歸。蓋自是而吾邑歷世相守之學，盡傳於時焉。同人等

生長斯鄉，景仰情切，茲擬悉心蒐訪，刊為興寧先賢叢書，所願邦人君子，四海知交，協助印貲，勦斯盛舉，則先賢志業，得所闡發，而學術文化，維繫不隳，豈惟桑梓之幸，抑亦民族之光也。是為引。

發起人袁五松王蔭平羅香林敬啟

興寧先賢叢書輯錄略例

一、興寧處粵之東隅，去閩贛殊近，其素習兼具粵贛閩之長，明耻尚義，隆禮守法，而賢能之士，每孕育其間。惟土地蒸濕，木魚易蓄，是以歷代賢士，雖有述作，而時序稍更，輒多殘蝕。茲就蒐羅所及，略加理董，其有原稿尚存，或有原刻本者，則以原稿或原刻影印，其無原稿，或原刻已殘缺者，則以舊藏鈔本，或新所輯佚，比次影印。大要以整理先後為序。俟全書印成，容當別為分類目錄也。

一、自來輯印鄉邦文籍，原以景仰前賢為旨。敬恭桑梓，發潛闡幽，取材例自稍寬，與作者自印有殊。本叢書所輯先賢遺著，每帙

必為撰作序跋，以誌緣起，或為輯錄其人碑傳，繫於卷端。其有
僅得零篇，未能成帙，而詞義高卓，可為世法者，則擬編入興寧
文徵，此不悉載焉。

一、本叢書蒐集於亂離之世，百端護持，備歷艱苦。今幸承熱心俊
彥協助鉅貲，克為印行。緬維高風，實深感佩。爰於每冊附頁表
列協助芳名，藉為紀念云爾。

民國四十七年四月十五日羅香林識於香港

宋鄉賢羅學士遺事考略

克崙署崙



民國四十七年七月興

寧先賢叢書校印處

據守先閣藏鈔本影印

宋鄉賢學士羅公其遺蹟見諸興寧者以李忠定梁谿集所詠翰林堂王象之與地紀勝所引洗硯池數語為最古明嘉靖間戴璟纂廣東通志天啟間廖用賢纂尚友錄採公本傳俱據成化侯爵興寧初志之文輾轉稗販觀王員外璉序傳寫譌謬因有據依之論其時如惠循二州新舊圖經齊昌文獻諸書應皆湮沒不傳前賢遺事摭訪維艱又昔人論明人著書率以意為增損地志塗飾抑又甚焉者職此故也按學士自宋距今歷有年所譚者輒稱其孝曦嘗細繹本傳已云累官翰林諫議何以立朝梗概別無傳述洎閱黃佐通志又有興寧令方述招魂葬公之說於此思勝國諸志參差猶豫傳聞異辭其由來非一日矣最後得同治己丑公裔

楚北羅孝廉有文郵興寧書并公神道碑一帙始知公故宣和進士紹興中入翰林力詆和議忤檜謫興國軍不歸史所傳五十三人同貶者公其一也昔托克托修宋史論者謂建炎以後事殊多漏脫則史佚公名亦無足怪而陳振孫書錄解題所載紹興正論及樓昉山傳二十卷其書今不盡得四庫提要著錄正論一卷所錄自張浚至陳剛中凡三十人而公仍與二十二人者同佚烏乎以公旣旣忠謹儼然天壤乃於數百年若晦若顯之下卒賴碑刻遺文裨補史乘之闕毋亦公之靈呵護使然耶粵志所傳瑣事其有無不足為公輕重獨登第出處大節碑與本傳牴牾特甚爰即載籍所有各為條錄附辯於後依類析為三卷略如向所輯明鄉

賢王御史遺事考略之例。惟年譜之編。不敢貿然去取其間。姑俟
異日。世有篤古君子。其庶幾取乎是也。光緒八年三月同縣後學
胡曦敬序。

宋鄉賢羅學士遺事方略目錄

卷一

宋張文舉故翰林學士贈禮部尚書羅公神道碑

廣東通志列傳

明祝允明墨池銘

明吳悌採花祠記

明胡繼武重建墨池書院碑記

宋李綱通衢夜坐有感詩

國朝湯貽汾墨池懷古詩

卷二



譜系

遺筆三則

京中懷歸詩

卷三

賢蹟二十一則

禁漁大刀鋸戲告示

附

宋鄉賢羅學士遺事考略卷一



同縣後學胡曦錄

碑一 傳一 銘一 記三 詩二

宋張文舉故翰林學士贈禮部尚書羅公神道碑

紹興二十三年翰林學士羅公卒於興國軍蓋謫地也公諱孟郊字耕甫休休其別號幼負美質居鄉校時值元祐禁錮諸賢初不悅曰事勢如此是可以爵祿為哉鄉先生晦公聞之歎服及聞文正公立朝風采輒語人曰此正大丈夫流也孟郊肯甘為草木浸度春秋已耶與胡銓楊時蔣之奇數子友慷慨激烈博通經史為一時名士首稱宣和五年領鄉荐明年廷試策語有云躬耕而親